



Centro Nacional Chega!.P

Da Memória à Esperança



KOMUNIKADU IMPRENSA

Centro Chega!.P Asina Nota Entendementu ho Klibur Sobrevivente Feto PIRILAMPU

(Díli, 27 Janeiro 2026) - **Centro Nacional Chega!.P** asina Nota Entendementu (NE) ho Organizasaun Sossiedade Sivil naran **Klibur Sobrevivente Feto PIRILAMPU** nu'udar mahon ba sobrevivente feto sira ne'ebé lian-laek.

Dokumentus ofisiál ne'e asina hosi Diretór Ezekutivu Centro Nacional Chega!.P, Hugo Maria Fernandes no Prezidente Klibur Sobrevivente Feto PIRILAMPU, Maria Isabel Jesus da Silva, ne'ebé realiza iha Salaun Centro Chega!.P, Antigo Comarca Balide.

Objetivu prinsipal hosi asina Nota Entendementu ne'e mak, parte rua (CNC I.P – PIRILAMPU) atu servisu hamutuk hodi implementa rekomendasaun sira hosi *Relatório Chega!* no mos *Relatório Per Memoriam Ad Spem (PMAS)* ligadu ho política reparasaun no solidariedade ba sobrevivente PIRILAMPU (*vítima violasaun seksuál no mos tipu violasaun sira seluk*).

Objetivu seluk mak fortalesementu institucional grupu feto PIRILAMPU, apoia implementasaun atividade hanesan, rejista no atualiza baze dados vitima violasaun direitu umanus pasadu ne'ebé Inan-Feton sira hasoru, apoia tekniku hodi desenvolve política, estratégia, advokasia no programa PIRILAMPU nian, apoia Finanseiru hodi implementasaun programa sira, apoia desenvolve sistema jestaun administrativu no finansas ne'ebé mak efikásia no eficiente ba Sekretariadu Klibur Sobrevivente Feto PIRILAMPU, fasilita desenvolvimentu kapasidade Institucional ka Servisu Administrativu Sekretariadu nian.

Alende ne'e, organiza rede advokasia ba sobrevivente sira iha nasional no munisipiu, organiza eventus komemorasaun loron istóriu, apoia rejistu vítima no sobrevivente, halo prezervasaun memória pasadu, no mos suporta no hametin atividade hakbiit ekonomia sobrevivente sira hosi nasional no munisipiu haktuir iha rekomendasaun Chega! no Per Memoriam Ad Spem! ne'ebé ko'alia kona-ba knar solidariedade.

Prinsípiu fundamenta hosi Nota Entendementu ne'e mak atu valoriza no dignifika vítima no sobrevivente sira nu'udar aktu rekoñesementu ba sobrevivente sira iha âmbito implementasaun programa reparasaun. Alende ne'e, atu promove valores no espírito sira direitu umanu, solidaria no servisu hamutuk hodi hetan tulun sira partisipa iha desenvolvimentu nasional.

Nota Entendementu ida ne'e válidu ba tinan tolu (3) hahú hosi período 2026 to'o 2028, no iha possibilidade bele hanaruk nia tempu, no mos bele muda ka hafoun ninia konteudu tuir nesidade haruka.

Iha tinan 2018, Centro Nacional Chega!!P hala’o ona atividade lubuk ida hosi implementasaun rekomendasaun Chega! no Per Memoriam Ad Spem (PMAS), espesífiku iha área solidariedade ba sobrevivente hanesan, programa formasaun ba grupu sobrevivente, reunifikasaun labarik lakon, fortalecimento ba organizaun Sobrevivente sira nian, apoiu konselamentu ba Sobrevivente sira, organiza eventu komemorasaun loron istóriu, Apoiu Pontual ba Sobrevivente parseria ho Ministério Sosial Solidariedade no Inklusaun (MSSI), Apoiu Saúde Fiziku no Mental parseria ho Ministério Saúde (MS), Estabelese baze de dados ba Sobrevivente, Apoiu Asistênsia Umanitária, halo Uma Memoria ba Esperansa (UmbE) ba Sobrevivente sira parseria ho Asosiasaun Vitima Konfliktu Politiku 1974-1999, estabelesementu Política no Lei Reparaun Nasional.

Atividade hirak ne’e, hola parte iha Programa Nonu Governu Konstitusionál liu-liu fó apoiu asistênsia ba sobrevivente vulneravel sira no promove rekonsiliaun ba paz no dame iha nivel komunitária, nasional no internasional nu’udar implementasaun formal ba rekomendasaun *Relatório Chega! no mos Relatório Per Memoriam Ad Spem (PMAS)*.

- Remata -

Ba informasaun liu tan kontaktu:

Raimundo Sarmento Fraga
Ofisiál Média no Komunikasaun
Email: rsfraga@centrochega.gov.tl
Nú. kontaktu: 7874 0345

Boilerplate

Centro Nacional Chega!!P, *Da Memória à Esperança* (Centro Chega! I.P) hamri’ik nu’udar institutu públiku ida ne’ebé estabelese ho deketu Lei nº. 48/2016. Centro Chega!!P nia vizaun mak: “Sosiedade ida ne’ebé inkluzivu, la repete istória pasadu nian, moris iha dame, no respeito ba direitos umanu”. Nia misaun mak: “Harii sentru Pós-konfliktu ne’ebé prezerva memória pasadu nian hodi promove direitos no valor umanu, harii parseria nasional no internacional hodi reforsa rede servisu sira ba implementasaun rekomendasaun sira hosi Relatório Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memoriam Ad Spem*, sira ne’ebé relevante”.

Divizaun Solidariedade ba Sobrevivente (DSS) estabelese programa solidariedade apoiu ba sobrevivente no grupu vulneravel sira ne’ebé hasoru violasaun direitos umanus iha pasadu.

Obrigadu!